

滑雪場今年新增了兒童專區，有迷你版雪道、電梯、雪兜、大水泡等玩意，一班小朋友都毋懼寒風，玩到咕咕笑。



熊貓樂園有多個障礙遊戲讓初學滑雪的小朋友去挑戰。

有無人可以扶吓我！



群馬是繼新潟縣以外，雪量最充足的東京近郊地區，每年雪季一到，吸引不少家庭到水上町玩雪。



雪地電單車 ¥1,500/HK\$124 (共5圈)
雪道起伏不大，彎位亦不算急，除了第一圈失控翻入雪堆要工作人員營救，基本上極易上手，倒是迎面而來的大風雪，大巴大巴刮到臉上，玩完雙頰亦赤痛。

狗拉雪橇 ¥6,000/HK\$498 (50分鐘)

看到這4隻皮黃骨瘦、凍到口震震嗚嗚叫的所謂「雪橇犬」，要拉動狗夫和我合共二百多磅的重量，踏上雪橇那一刻，都有幾分唔忍心，還好狗狗都叫爭氣，總算出盡奶力跑畢全程。



拉完2公里路，狗仔們仲要表演雜耍娛賓先收得工，真係連咁兩罐紅牛都唔掂！

-8°C 飛馳銀白世界

來到群馬縣這兩天，不時刮起大風雪，但天氣再冷，點都要在雪地留下腳印，在縣內十多個大大小小的滑雪場中，最具人氣是水上町的水上高原滑雪場。雪場面積佔據多個山頭，有11條不同級數的雪道，最大坡度為32度，是留給高手去挑戰的，我等欠缺運動細胞的遊客，還是玩玩BB級雪上活動好了。當中最熱門是雪地電單車，平日連單車也踩不穩的我，被工作人員隨口一句：「你有車牌吧？」嚇倒了，但根據實戰經驗，其實一點也不難嘛，只要緊記左手煞車、右手放油，第一圈時還戰戰兢兢，到第二圈已不自禁踩行油，以高速伴隨尖叫聲在雪地上飛馳了。

怕技術不精？還有零難度的狗拉雪橇，只要在雪橇上保持紮馬姿勢，引領狗仔轉彎、上斜、落山的工作，全由狗夫在背後掌控，全程專心欣賞雪山森林的寂靜美景即可。不過最開心都係班著到米芝蓮咁款的小朋友，在滑雪場新增設的兒童特區內，有齊滑雪兜、大水泡等玩意，見到都好玩！



對小朋友來說，還是最原始的滑雪兜最好玩！

水上高原滑雪場

地址：群馬縣利根郡水上町藤原6152-1

電話：81-(0) 278-75-2222

開放日期及時間：即日起至4月7日；8:30am-4:30pm (星期一至五)、8am-5pm (星期六)、8am-4:30pm (星期日及公眾假期)

交通：上毛高原設有免費專車前往，車程約1小時，詳細時間表可於官網查詢

網址：www.minakami-ski.jp

備註：遊客可即場租借雪具，滑雪用具 ¥5,000/HK\$415、滑雪套裝 ¥3,500/HK\$290；索道一日券 ¥3,900/HK\$324